



# Khoos Kas Pab Nyiaj Ua Kom Ib Puag Ncig Zoo (EQIP)

## EQIP Puas Phim rau Kuv?



### Koj Puas Tuaj Yeem Teb Tias ‘Yog’ rau Nram Qab No?

#### Ces tej zaum EQIP yuav haum zoo rau koj

- ✓ Kuv yog tus tswv los sis kuv xauj, thiab tswj daim av cia ua qoob loo los sis cia ua hav zoov, xws li cia ua av ua qoob loo, av yug tsiaj, vaj zaub los sis cia ua hav zoov.
- ✓ Kuv tau los tswj daim ntawv no vim yog tus tswv los sis yog tus xauj.
- ✓ Kuv tuaj yeem muaj pov thawj tau tias yav dhau los yeej muaj dej ywg yog kuv nqis tes pov hwm kom muaj dej cia nrog rau tsim kho tej kev ywg dej kom zoo.
- ✓ Kuv daim av pw rau hauv daim av pob tau zoo thiab dej nyab uas yuav tau muaj tej kev cai pov hwm (yog tsis paub meej, ces nug USDA Lub Chaw Pab Cuam hauv koj ib ib cheeb tsam).
- ✓ Kuv tau ua los sis kho tej ntaub ntawv teev tseg txog kev ua qoob loo nrog Lub Tsev Hauj Lwm Saib Xyuas Kev Ua Qoob Loo rau kuv thiab kuv tej kev nqis tes ua lawm.
- ✓ Kuv mus tus nab npawb xaus xaus los sis tus nab npawb npav ntawm tus tswv num uas ua tuaj tom IRS.
- ✓ Tag nrho kuv cov nyiaj tau los pes nram mas tsawg dua \$900,000 (siv tsis tau rau Haiv Neeg Qhab).
- ✓ Yog kuv yog ib tug tswv cuab ntawm ib lub chaw los sis koom nqis tes ua ua ke, ces kuv muaj cai los txiav txim siab txog kev tswj xyuas rau txoj hauj lwm ntawd.

### EQIP yog dab tsi?

Environmental Quality Incentives Program (EQIP) muab kev pab feem tev niv thiab feem nyiaj txiaj rau tej av uas siv tau, suav txog tej av ua qoob loo, tej qoob loo tshwj xeeb, tej av tsis siv chiv ua, kev cais tsiaj thiab tso tsiaj noj hauv vaj zaub, thiab tej dav hav zoov uas tsis yog fwm ua lag luam.

Hloov rau ntawm qhov tsis pub ua qoob loo rau ntawm daim av, EQIP pab cov neeg ua qoob loo tswj xyuas los sis tsim kho kev ua qoob loo nrog rau muab kev pov hwm tej hav zoov hav tsuag nyob rau ntawm ib puag ncig tej av uas siv tau ntawd.

### Yuav Muaj Txiaj Ntsig Dab Tsi?

Tej zaum EQIP yuav muaj ntau yam txiaj ntsig, suav txog tsim kho dej thiab huab cua kom huv, pov hwm tej dej hauv qhov av thiab dej saum npoo av, ua kom tej av zoo tuaj thiab txo kom av txhob pob thiab txhob muaj xuab zeb tog, tsim kho los sis tsim kom muaj tej chaw nyob ntawm cov tsiaj qus, thiab pab rau thaum muaj ntuj qhuav thiab muaj huab cuab phem heev.


Piv txwv li, EQIP tuaj yeem pab koj:

- Txo kev tsuas tsis huv los ntawm tej chaw los yog khoom siv ua qoob loo, xws li kev tsim ua tej khoom noj rau tsiaj yug.
- Kev siv tej chiv uas siv tau zoo, txo kom raug tus nqi tsawg thiab txo kom txhob muaj tej yam ua rau huab cua tsis zoo.
- Ua kom av zoo tuaj thiaj li yuav pab txo tau huab cuab phem thiab tsim kho tau zoo rau thaum muaj ntuj qhuav.

### EQIP Ua Hauj Lwm Li Cas?

EQIP pab txhawb rau cov neeg ua qoob loo uas tsim kho thiab tuav kom tau tej hav zoov hav tsuag nyob rau ntawm tej av uas lawv ua xws li kev tsim ua vaj tse ub no, cog zaub nyuj, thiab kev tswj xyuas daim av.

Piv txwv li, yog koj xav siv qhov kev pov hwm ntawm EQIP los tsim kho kom ywg dej tau zoo, tsim kho tej vaj zaub nyuj los sis ua kom muaj av muaj chiv thiab tswj tej kab ub no nyob rau ntawm koj daim av.



NRCS muab kev pab tev niv, thiab EQIP muab kev pab nyiaj txiag raws li kev pom zoo cog lus.

Yog koj txiav txim siab ua hauj lwm nrog NRCS, ces kkoj yuav tau txais kev pab tswv yim ib leeg rau ib leeg nrog NRCS, koj yuav tau txais kev pab tswv yim ib leeg rau ib leeg los ntawm ib tug kws pab npaj hauv NRCS los luj xyuas koj feem tswj xyuas tam sim no thiab ua kev ntsuam xyuas txog tej hav zoov hav tsuag nyob rau ntawm koj daim av. Ces koj mam li ua hauj lwm nrog NRCS tus kws npaj los tsim kho txoj kev npaj pov hwm uas yuav los daws kom tau tej kev txhawj xeeb uas raug nrhiav pom nyob rau ntawm daim av no.

Thaum koj xaiv nqis tes los pov hwm los sis xaiv tej hauj lwm uas phim zoo tshaj plaws raws li qhov koj xav tau lawm, thiab yog koj daim ntawm thov kev pab raug xaiv rau cov nyiaj pab lawm, ces EQIP yuav them nyiaj rau tej kev nqis tes ua nyob rau ntawm koj daim av nrog rau vam tias koj yuv nqis tes los pov hwm kom mus raws li lub sij hawm npaj tseg ntawd.

**EQIP Cog Lus Ntev Npaum Li Cas?**

Qhov ntev ntawm kev cog lus ntawm EQIP mas sib txawv raws li koj lub hom phiaj thiab caij nyooog, tab sis tsis tshaj 10 xyoo.

**Qhov Muaj Cai Tsim Nyog Rau EQIP**

**Daim Av Uas Tsim Nyog Raug Pab**

**Q. Hom av uas tsim nyog raug pab rau EQIP yog hom dab tsi?**

A. Rau kev tsim nyog rau lub hom phiaj hauv qhov khoos kas ntawm Txoj Cai Ua Qoob Loo, NRCS txiav txim tias txhua daim av uas muaj kev ua qoob loo, tu tsiaj los sis cia ua hav zoov lawm mas xam tias yog daim av uas tsim nyog raug pab.

Daim av ntawd yuav yog av ua qoob loo, dav tu tsiaj, av ua vaj zaub nyuj, av hav zoov hav ntiag tug uas tsis yog cia ua lag luam thiab lwm yam av tseg ua qoob loo los sis tu tsiaj.

EQIP tsis muaj tus qauv cai hais txog qhov av tsawg kawg; txawm li cas los xij, EQIP yog ib qho khoos kas uas muaj kev sib tw uas muab nyiaj pab raws li tej kev txhawj xeeb nyob rau ntawm daim av txhawm rau los daws kom tau thiab tsim kom muaj lwm feem pab tau zoo.

**Kev Tsim Nyog Raug Pab Ntawm Tus Neeg Ua Qoob Loo**

**Q. Leej twg thiaj li tsim nyog raug pab rau EQIP?**

A. Tej zaum cov neeg thov yuav yog cov neeg, cov chaw, cov tuam txhab sib koom tes ua ke los sis Haiv Neeg Qhab uas tau tswj daim av no thiab tam sim no tseem ua qoob loo rau, cia ua hav zoov thiab tu tsiaj.

**Tej Tswv Yim Xav Tshwj Xeeb Thawj Txog EQIP**

EQIP muaj lub hom phiaj dav heev los npaj pov hwm rau tej av nyob hauv ib cheeb tsam, thoob plaws hauv lub teb chaws.



EQIP tsi ntsees rau kev pom hwm los ntawm cov kev npaj xub thawj los mus daws tej kev txhawj xeeb rau ntawm tej hav zoov hav tsuag uas nyob rau ntawm tej av uas yuav muaj kev phom sij tau zoo thiab ib cheeb tsam chaw cug dej uas yuav muaj kev phom sij tau zoo.

- Txoj Kev Xav Xub Thawj Txog Qhov Av Siab
- Txoj Kev Xav Xub Thawj Txog Kev Tsis Siv Chiv Khesmis
- Txoj Kev Xav Xub Thawj Txog Huab Cua Zoo
- Txoj Kev Xav Xub Thawj Txog Hluav Taws Xob Ntawm Kev Ua Qoob Loo

**EQIP Cov Nyiaj Them**

**Q. EQIP muab hom nyiaj pab dab tsi xwb?**

A. EQIP muab nyiaj pab rau tej kev ua thiab tej hauj lwm uas tej zaum yuav yog tseg ua vaj zaub nyuj, tsim ua ub no, thiab kev tswj xyuas.

Tej zaum cov neeg ua qoob loo kuj yuav siv rau Tej Kev Npaj Pov Hwm rau Tus Kws Pab Tev Niv.

**Cov Neeg Mus Koom Uas Tsis Raug Pab Yav Dhau Los (Historically Underserved, HU):**

Cov neeg mus koom uas tsis raug pab yav dhau los tsim nyog rau cov nyiaj them uas tshaj ntxiv thiab cov nyiaj them ua ntej los pab them rau tej nqi yuav khoom ub no los sis tej kev pab cuam ub no. Cov neeg mus koom UH muaj xws li cov neeg tsis taus, cov neeg pib ua, cov neeg qub tub rog thiab cov neeg ua qoob loo uas tsis txawm peem nyiaj txiag thiab cov neeg tu tsiaj.

- **Pob nyiaj tshwj xeeb-** tsawg kawg 10 feem pua ntawm EQIP cov nyiaj mas yog muab pab tshwj xeeb rau cov neeg tsis taus thiab cov neeg ua qoob loo thiab cov neeg tu tsiaj uas nyuam qhuav pib.
- **Them tus nqi siab dua** - ntau txog 25 feem pua ntawm tus nqi qauv ua ib txwm them.
- **Cov Qub Tub Rog Uas Nyiam** - cov qub tub rog uas tsim nyog raug pab uas tau los sib tw thov cov nyiaj pab rau cov neeg ua qoob loo thiab cov neeg tu tsiaj rau thaum xub pib los sis cov neeg tsis taus, yuav tau txais qhab nia raws li qhov nyiam.



**Q. Yuav them cov nyiaj them pab rau thaum twg?**

A. Nyob hauv txheej txheem ntawm EQIP cov nyiaj them thauj pais, yuav tau them nyiaj rov qab rau ib tug neeg ua qoob loo tom qab qhov kev pov hwm tau raws li cov qauv ntawm NRCS thiab cov qauv tsim nyog raug pab. Qhov txheej txheem no feem ntau ces cov neeg ua qoob loo yuav tsum siv lawm tus kheej peev nyiaj them ua ntej, tshwj tsis yog tus neeg mus koom xaiv rau cov nyiaj them ua ntej.

**Q. Kuv puas yuav tau them se dab tsi rau cov nyiaj pab no?**

A. Yuav tau them os. Txhua cov nyiaj pab rau koj los ntawm NRCS mas yuav tsum hais qhia mus rau tim Lub Chaw Saib Xyuas Cov Nyiaj Paj Tau Los thiab yuav tsum raug hais qhia tias yog cov nyiaj paj tau los rau ntawm koj daim ntawv thov nqi se hauv lub xyoos. Koj yuav tau txais ib Daim Ntawv Foos 1099 los mus hais qhia EQIP cov nyiaj them rau ntawm koj cov nqi se uas tau rov qab los.

**EQIP Kev Thov Kev Pab thiab Kev Tshuaj Ntsuam Xyuas****Q. Kuv yuav thov EQIP tau li cas?**

A. Tiv toj rau USDA Lub Chaw Pab Cuam hauv koj ib cheeb tsam thiab qhia rau lawv paub tias koj xav mus koom qhov khoos kas EQIP. Ib tug kws npaj pab tswv yim yuav ua hauj lwm nrog koj los mus txiav txim siab txog koj qhov tsim nyog raug pab.

NRCS lees txais EQIP cov ntaub ntawv thov kev pab thawm niaj thawm xyoo thiab nrhiav nyiaj los ntawm txheej txheem sib tw.

Tau npaj hnuv thov uas kawg rau tej kev thov pab tshwj xeeb rau hauv xeev los mus tshuaj ntsuam xyuas cov ntaub ntawv thov rau cov nyiaj pab. Hnuv kawg uas thov tau muaj nyob rau ntawm [nrcs.usda.gov/statecutoffdates](https://nrcs.usda.gov/statecutoffdates). Yog koj thov tom qab tag hnuv kawg uas thov tau lawm, ces koj daim ntawv thov yuav raug xa mus rau zeeg sij hawm pab nyiaj rau zeeg tom ntej.

Yog koj yog ib tug neeg tshiab uas yuav sib txuas lus nrog rau USDA, koj yuav tsum npaj koj Tej Ntaub Ntawv Teev Tseg Txog Kev Ua Qoob Loo nrog rau Lub Tsev Hauj Lwm Saib Xyuas Kev Ua Qoob Loo (Farm Service Agency, FSA). Kev sau ib Daim Ntawv Teev Tseg Txog Kev Ua Qoob Loo mas yuav tsum muaj ntau daim ntawv foos thiab tej ntaub ntawv, yog li yuav tau teem caij nrog FSA lub chaw lis hauj lwm uas nyob ze ntawm koj kom sai li sai tau.

**Q. Tej ntaub ntawv thov rau EQIP yuav raug tshuaj ntsuam xyuas li cas?**

A. Thaum NRCS ua tiav ib qho kev tshuaj ntsuam xyuas rau ntawm koj qhov kev ua thiab koj xaiv tej kev nqis tes pov hwm los sis tej hauj lwm uas koj xav ua, ces NRCS mam li ntaus nqi rau koj daim ntawv thov los mus txiav tim seb koj qhov kev npaj tam sim no zoo li cas lawm thiab txheej txheej tswj xyuas rau yav tom ntej yuav daws puas tau tej hom phiaj tseem ceeb uas yuav tau xub ua ua ntej raws li muaj nyob rau hauv lub teb chaws, lub xeev, thiab hauv ib cheeb tsam.

NRCS yuav ntaus nqi rau koj daim ntawv thov piv rau lwm cov ntaub ntawv thov uas tsim nyog raug pab rau hauv tib hom kev ntaus nqi, tej ntaub ntawv thov twg tau raug ntaus nqi tau tus qhab nia siab tshaj plaws ces thiaj li yuav tau txais kev cog lus pab nyiaj ua ntej.

